

Broj: 02-02/5-1389/18
Sarajevo, 21.05.2018. godine

Na osnovu člana 12. stav (1) Zakona o preuzimanju prava i obaveza osnivača nad ustanovama socijalne zaštite u Federaciji Bosne i Hercegovine („Službene novine Federacije BiH“, br. 31/08 i 27/12) i čl. 24. i 25. Zakona o ustanovama („Službeni list R BiH“, br. 6/92, 8/93 i 13/94), a u vezi sa čl. 6. i 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), federalni ministar rada i socijalne politike, **d o n o s i**

O D L U K U

o kriterijima za imenovanje predsjednika i članova upravnih odbora u ustanovama socijalne zaštite Federacije Bosne i Hercegovine

I

Ovom odlukom utvrđuju se uslovi i kriteriji za izbor i imenovanje predsjednika i članova upravnih odbora u ustanovama socijalne zaštite Federacije Bosne i Hercegovine i to:

1. Zavodu za zbrinjavanje mentalno invalidnih lica – Drin;
2. Zavodu za zbrinjavanje mentalno invalidnih osoba – Bakovići;
3. Zavodu za zbrinjavanje mentalno invalidne djece i omladine – Pazarić i
4. Zavodu za vaspitanje muške djece i omladine – Sarajevo.

II

Za predsjednike i članove upravnih odbora iz tačke I. ove odluke mogu biti izabrani kandidati koji ispunjavaju sljedeće opće uslove:

- da su državljani Bosne i Hercegovine,
- da su stariji od 18 godina,
- da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini u posljednje tri godine prije dana objave upražnjene pozicije,
- da nisu obuhvaćeni odredbama člana IX stav 1. Ustava Bosne i Hercegovine,
- da nisu izabrani stranački zvaničnici, nosioci javnih funkcija ili savjetnici u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije BiH“, broj: 70/08).

III

Pored općih uslova, kandidati za predsjednike i članove upravnih odbora iz tačke I. ove odluke moraju ispunjavati i sljedeće posebne uslove:

- da posjeduju univerzitetsku diplomu VSS - VII stepen stručne spreme, odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja i

- Radno iskustvo u struci od najmanje 5 godina nakon stjecanja visoke stručne spreme.

Prednost imaju kandidati koji posjeduju certifikat o završenom usavršavanju predsjednika i članova nadzornih odbora i uprava privrednih društava sa učešćem državnog kapitala.

IV

Postupak razmatranja prijava za izbor i imenovanje predsjednika i članova upravnih odbora u ustanovama socijalne zaštite Federacije Bosne i Hercegovine, kao i postupak ocjenjivanja kandidata koji ispune opće i posebne uslove iz javnog oglasa provesti će Komisija koju imenuje federalni ministar rada i socijalne politike.

V

Pilikom provođenja postupka ocjenjivanja kandidata tokom intervjua, Komisija će u obzir uzimati poznavanje zakonske regulative koja se odnosi na sistem socijalne zaštite, kao i na funkcionisanje ustanova socijalne zaštite u Federaciji Bosne i Hercegovine, sposobnost upravljanja finansijskim sredstvima i ljudskim resursima, sklonost prema timskom radu, te komunikacijske i organizacijske sposobnosti.

VI

Ova odluka stupa na snagu danom donošenja i objavit će se na web stranici Federalnog ministarstva rada i socijalne politike.

DOSTAVLJENO:

- Sektoru za pravne i kadrovske, ekonomsko-finansijske i opće poslove
- Sektoru za socijalnu zaštitu i zaštitu porodice i djece
- a/a

